



SAKSPAPIR

Saksnr	Utval	Type	Dato
09/2022	Kommunestyret	PS	25.01.2022

Sakshandsamar	Arkiv	ArkivsakID
Atle Fasteland		22/55

STILLINGSSTORLEIK POLITISK LEIING VAKSDAL KOMMUNE

Kommunedirektøren sitt framlegg til vedtak:

Kommunestyret vedtek å starte opp arbeidet med Forskrift om endring av forskrift for folkevalde sin rett til godtgjersle og velferdsgode, Vaksdal kommune, Vestland.

Kommunestyret vedtek å auka stillingsprosenten for varaordførar sitt verv, frå 20% til 40%frå 1.februar 2022. Varaordførar har rett til pensjon i tråd med kommunen si pensjonsordning for folkevalde. Ordninga vil gjelde fram til kommunestyret gjer vedtak om endringar i forskrift om godtgjersle for folkevalde for Vaksdal kommune.

Utsetjingsforslag frå Ap, ført inn i møteportalen av Ståle Hesjedal, Ap:

Saka vert utsett til temamøte 15.februar

Tilleggsforslag frå Frp, ført inn i møteportalen av Boris Groth, Frp:

Ombudsutvalet får i oppdrag å sørge for god saksgang og innstilling til kommunestyret.

Kommunestyret - Sak 09/2022

KOM - Behandling:

Kommunedirektøren orienterte.

Utsetjingsframlegg frå Anne Christin Eide, AP:

Saka vert utsett til temamøte 15.februar

Erlend Hesjedal-Johannessen ba om gruppemøte.

Det vart røysta over utsetjingsframlegget først - framlegget fekk 7 røyster (AP, KRF) og fall

Tilleggsframlegg frå Boris Groth, FRP:

Ombodsutvalet får i oppdrag å sørge for god saksgang og innstilling til kommunestyret.

Røysting

Kommunedirektøren sitt framlegg til vedtek vart vedteke mot 7 røyster (AP, KRF).

Tilleggsframlegget frå Boris Groth vart samrøystes vedteke.

KOM - Tilråding/Vedtak:

Kommunestyret vedtek å starte opp arbeidet med Forskrift om endring av forskrift for folkevalde sin rett til godtgjersle og velferdsgode, Vaksdal kommune, Vestland.

Kommunestyret vedtek å auka stillingsprosenten for varaordførar sitt verv, frå 20% til 40%frå 1.februar 2022. Varaordførar har rett til pensjon i tråd med kommunen si pensjonsordning for folkevalde. Ordninga vil gjelde fram til kommunestyret gjer vedtak om endringar i forskrift om godtgjersle for folkevalde for Vaksdal kommune.

Ombodsutvalet får i oppdrag å sørge for god saksgang og innstilling til kommunestyret.

Saksopplysningar:

Vaksdal kommune har i dag ordførar på heiltid og i 100% stilling. Varaordførar sitt verv har vore tilsvarande 20% stilling.

Krava og forventningane til politisk leiing har endra seg mykje dei seinaste åra. Ny kommunelov gjev oss endra og nye føringar. Kompleksiteten i å drive ein kommune er endra og nivåa over kommunen, frå Statsforvaltar og vidare oppover i hierarkiet, forventar at ein kommune skal fylgje opp og svare ut eit stadig større aukande saksomfang inkludert høyringar som skal svarast ut. Denne utviklinga set store krav til samspelet mellom administrativ leiing og politisk leiing. Saksomfanget aukar og det er stadig fleire område kommunane i Noreg må arbeide med. Oftast er dette positivt og saker som vitaliserer lokaldemokratiet, men utviklinga krev og auka ressursar for å fylle dei oppgåvene kommunen får.

Dei seinaste to åra med pandemi har til fulle synt oss at kompleksiteten i utfordringane er der om kommunen har under 5000 eller over 100 000 innbyggjarar. Høyringar, bestillingar og oppgåver er dei same uavhengig av kommunestorleik. Kommunedirektøren ser difor at tida no er inne til å auka ressursane til politisk leiing for å møta framtida forsvarleg og offensivt.

For Vaksdal kommune vil, utover den generelle utviklinga, K5 føre med seg nye store oppgåver. K 5 er eit stort og omfattande prosjekt og kommunedirektøren ser at om vi skal få til dei positive ringverknadene som vi ynskjer oss av K5, næringsutvikling og Vaksdal som ein attraktiv bustad kommune, treng vi auka ressurs også til politisk leiing. Positiv utvikling krev tett oppfølging og kjem ikkje utan stor lokal innsats.

Kommunedirektøren ser og at storleiken på varaordførar stillinga må vere slik at den kan kombinerast med anna arbeid og vere stor nok til å gje den som innehar stillinga pensjonspoeng. Vidare vurderer kommunedirektøren det slik at ressursen må vere slik at varaordførar kan ha heile dagar til disposisjon. Delte dagsverk er ikkje noko særleg korkje for den som har jobben eller arbeidsgjevar. Eit dagsverk vert rekna til 20%. For å få pensjonspoeng i kommune og stat må stillingsstorleiken vere over 33.3%

På bakgrunn av ovanståande gjer kommunedirektøren framlegg om at varaordførar i Vaksdal kommune skal ha 40% stilling frå 1. februar 2022.

«[Forskrift for folkevalde sin rett til godtgjersle og velferdsgode, Vaksdal kommune, Vestland](#)» vart vedteken av kommunestyret 26.01.21, [sak 08/2021](#). Ved endring av ei forskrift skal interessegrupper få høve til å uttale seg før kommunestyret gjev nytt vedtak, jamfør forvaltningslova § 37. Kommunedirektøren tilrår derfor at varaordførar si stillingsauke vert gjeve mellombels fram til sak om endring av forskrift vert lagt fram for kommunestyret hausten 2022.